



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. III. Solvuntur objectiones,

---

[urn:nbn:de:hbz:466:1-77232](#)

# DISPV TATIO QVARTA

272

notitiae intuitivæ est, quod terminetur ad objectum physicè præsens & existens in aliqua duratione.

**267.** Confirmatur ex eodem S. Doctore quest. 2. de verit. art. 9. ad 2. ubi sic habet: *Dicitur scientia visionis in Deo, ad similitudinem visus corporalis, qui res extra positas intuetur: unde per scientiam visionis Deus scire non dicitur, nisi que sunt extra ipsum. Sed qua solum sunt Deo objective præsentia, non sunt extra ipsum: Ergo Deus per scientiam visionis solum dicitur scire quae sunt illi realiter in aeternitate præsentia; subindeque de ratione notitiae intuitivæ est quod terminetur ad objectum physicè præsens & existens in aliqua duratione.*

**268.** Secundò probatur Major ratione. Cognitio prophética, quamvis terminetur ad res futuras, ut objectivæ præsentes in mente Prophetæ, non est intuitiva, sed abstractiva: Ergo ad notitiam intuitivam non sufficit quod terminetur ad objectum futurum, ut objectivæ præsens in mente cognoscens, sed necessariò terminari debet ad objectum physicè præsens & existens.

**269.** Tertiò, Ideo cognitio quā Astrologus iudicat de fucuritione Eclypsis, non est intuitiva, quia licet in esse objectivo certi ipsi represententur tam existentia quam cetera accidentia futura Eclypsis, non tamen objiciunt cognitioni ipsius, secundū physican & realem præsentiam: Ergo idem quod prius.

**270.** Quartò, Ita est de ratione intuitionis terminari ad objectum præsens, sicut est de ratione gaudij terminari ad bonum postfatum: Atqui ad rationem gaudij non sufficit terminari ad bonum præsens præsentia tantum objectivæ, seu affectivæ, sed requiritur effectiva & realis præsentia ipsius: Ergo pariter ad notitiam intuitivam non sufficit intentionalis & objectiva præsentia objecti cognoscibilis, sed essentialiter exigitur exercita & realis præsentia ipsius.

**271.** Denique, Notitia intuitiva essentialiter exigit ex parte objecti aliam præsentiam distinctam à præsentia quam cognitio abstractiva expoicit: Sed notitia abstractiva petit præsentiam objectivam & intentionalem sui objecti, nam respicerere objectum præsens intentionaliter & objectivè, est conditio communis cuiuscunq; notitiae; cum nullum objectum possit actualiter cognosci, nisi sit præsens intellectui, mediante specie intentionalis, à qua sola denominatur præsens præsentia objectivæ & purè intentionalis: Ergo cognitio intuitiva essentialiter exigit ex parte objecti præsentiam realem & physicam.

**272.** Confirmatur: Aliqua debet statui differentia specifica, qua cognitionem intuitivam ab abstractiva essentialiter distinguat: Sed nulla alia ex cogitari potest, nisi illa quam insinuavimus; nimur quod notitia abstractiva abstrahit ab exercito existentia in objecto quod inspicit; intuitiva vero essentialiter exigit ad objectum realiter præsens & existens terminari: Ergo &c.

**273.** Dices, Cognitionem intuitivam non distinguunt ab abstractiva, per hoc quod prima terminetur ad objectum præsens & existens, secunda vero ab ejus præsentia & existentia abstrahit; sed per hoc quod prima sit clara, distincta, & per propriam speciem; altera vero confusa, obscura, & per speciem alterius.

Sed contra primò: Deus clarissimè & distinctissimè, ac per suam essentiam gerentem vices speciei, cognoscit res possibiles; & tamen ejus scienciam alterius.

**A** *tia respectu possibilium non est visionis, nec intuitiva; sed simplicis intelligentia, & abstractiva: Ergo falsa responsio.*

Secundò, Res possunt per propriam speciem cognosci sub esse possibili, futuro, aut præterito, aut sub actuali exercito existentia: Ergo per propriam speciem possunt cognosci abstractiva, vel intuitiva; subindeque cognitio intuitiva, per hoc non distinguitur ab abstractiva, quod prima fiat per propriam speciem objecti, non autem secunda.

§. III.

*Solvuntur objectiones.*

B

**C** Ontra primam conclusionem nullum militat argumentum difficile, sed contra secundum obicitur. Non est de ratione notitiae intuitivæ quod terminetur ad objectum physicè & realiter præsens & existens in aliqua duratione: Ergo realis & physica fututorum contingentium in aeternitate præsentia, non requiritur necessariò, ut Deus de illis habeat notitiam intuitivam. Consequens patet, Antecedens probatur primò. Notitia rei habita per propriam speciem, terminata ad ejus essentiam, existentiam, durationem, ceteraque accidentia, verò est intuitiva, eti duratione antecedat existentiam objecti: Sed talis notitia potest haberi sine physica præsentia objecti extra causas in aliqua duratione: Ergo non est de ratione notitiae intuitivæ, quod terminetur ad objectum physicè & realiter præsens & existens in aliqua duratione. Minor patet, Major etiam videtur vera; talis enim notitia non erit abstractiva, cum non abstrahat existentia objecti: Ergo erit intuitiva.

Secundò probatur Antecedens principale. Conditio quā Propheta cognoscunt futura contingentia, est intuitiva: Sed hujusmodi cognitio terminatur ad res physicè & realiter absentes, cum futurum ut futurum non existat in se, & consequenter non coexistat cognitioni Propheta-

**D** rum: Ergo non est de ratione cognitionis intuitivæ, terminari ad objectum realiter & physicè præsens & existens. Probatur Major ex D. Thomas quest. 12. de verit. art. 6. ubi docet quod cognitio prophética est quædam participatio divina præscientia seu cognitionis quā Deus videt res in aeternitate: Sed cognitio quā Deus videt res in aeternitate, est intuitiva: Ergo cognitio quā Propheta cognoscunt futura, est intuitiva. Consequens patet à simili: nam quia charitas creata est quædam participatio amicitiae divina, est formaliter & essentialiter amicitia: Ergo si cognitio prophética est participatio divina intuitionis, nequit non esse cognitio formaliter intuitiva.

Tertiò probatur principale Antecedens: Cognitio infusa Petro existenti Parisiis, de Joanne existente Romæ, attingens quidditatem & cetera accidentia, est intuitiva; & tamen objectum illius non est localiter præsens: Ergo est etiam intuitiva, quamvis non terminaretur ad objectum ut in aliqua duratione existens.

Quartò, Res in hoc mundo existentes, sunt absentes physicè & realiter respectu Angeli in celo existentes, & tamen intuitivè cognoscuntur ab ipso: Ergo notitia intuitiva potest terminari ad rem physicè & realiter absensem; & consequenter ad intuitionem realis præsentia objecti nullatenus requiritur.

Quinto

274.

275.

276.

277.

## DE SCIENTIA FUTVRORVM CONTINGENTIVM. 273

278. Quinto, Cognitio quā Deus causat res creatas, & illas reducit ad existentiam, est intuitiva: Sed talis cognitio non terminatur ad objectum ut exercitè existens, cūm sit prior existentiā creaturarum: Ergo non est de ratione notitiae intuitivae quod terminetur ad objectum ut exercitè existens.
279. Sexto, Cognitio Dei respectu futurorum contingentium est intuitiva ab aeterno adaequata, & secundum omnem aeternitatis virtualitatem: Sed futura non sunt physicè praesentia aeternitati adaequata sumptus, & secundum omnem ejus virtualitatem, ut constat ex dictis articulo præcedenti: Ergo realis & physica objecti praesentia non requiritur necessariò ad notitiam intuitivam.
280. Denique, Sicut requiritur ad cognitionem intuitivam praesentia physica objecti, ita ad abstractivam absentia ipsius: Sed potest notitia abstractiva terminari ad objectum physicè præfens: Ergo & intuitiva ad objectum physicè & realiter absens. Major constat, Minor probatur. Si aliquis non attenderet actualiter ad praesentiam objecti realiter præsentis, solum abstractiva ipsum cognosceret, non obstante reali & physicè praesentiā talis objecti: Ergo cognitio abstractiva potest terminari ad objectum realiter & physicè præfens cognoscendi.
281. Respondeo negando principale Antecedens, & ad primam ejus probationem, nego Majorem, & ad illius probationem, nego Antecedens: notitia enim rei habita per propriam speciem, terminata ad ejus essentiam, existentiam, durationem, ceteraque accidentia, si duratione antecedat existentiam objecti, non erit intuitiva, sed abstractiva; quia licet omnino non abstracta est existentia rei, abstractit ab illa ut actu extra causas exercita.
282. Ad secundum nego Antecedens, & ad illius probationem dico, cognitionem prophetica tantum participare certitudinem divinæ præscientiæ, non vero illius evidentiam & intuitionem; quemadmodum cognitione fidei participat supernaturalitatem & certitudinem divinæ cognitionis, absque eo quod ejus evidentiam & claritatem participet. Unde ad exemplum de charitate creata quod affertur, neganda est paritas; etenim charitas secundum se nullatenus exigit præfensionem aut absentiam physicam objecti quod diligit, sicut cognitione intuitiva petit physicam & reali coexistentiam sui objecti.
283. Ad tertiam, dato Antecedente, nego Consequentiam & paritatem. Ratio discriminis est, quia absque coexistentia locali salvatur terminatio ad objectum, ut extra causas exercitè existens: que tamen non salvatur absque coexistentia in aliqua duratione.
284. Ad quartam, distinguo Antecedens: Res existentes in hoc mundo visibiles, sunt absentes respectu Angeli qui in celo existit, absentia aut distantia locali, concedo Antecedens. Sunt absentes absentia durationis excludente coexistentiam objecti cognoscibilis, nego Antecedens, & Consequentiam. Etsi ergo res in hoc mundo inferiori existentes, distent localiter ab Angelo existente in celo Empyreo; non tamen sunt extra sphæram præsentialem cognitionis Angelicæ; nam cūm cognitione Angelii sit purè intellectuālis, nullatenus dependens a sensibus, non impeditur ab attingentia immediata objecti cognoscibilis, per absentiam localem; ideoque ut Att-
- A gelius intuitivè videat aliquod objectum, non requiritur localis præsens, sicut exigitur ad humanam cognitionem, sed sufficit præsens durationis; id est quod objectum in se existat, & coexistat in eadem duratione in qua existit cognitione terminata ad ipsum.
- B Ad quintam, nego Minorem, & ad illius probationem dico cognitionem Dei quā creaturæ producuntur, esse priorem existentiā ipsarum, prioritate naturæ seu causalitatis, non vero prioritate temporis aut durationis: nam in eadem mensura durationis in qua verificatur existentia cognitionis intuitivæ Dei, simul verificatur coexistentia creaturarum; & hæc similitas sufficit inter cognitionem intuitivam, & existentiam sui objecti; cūm ratione hujusmodi similitatis absolute verificetur objectum coexistere cognitioni, eti effectivè ab illa pendeat; licet enim specificativum cognitionis purè speculativæ, sit prius ipsa, non tamen specificativum cognitionis practicæ; cuiusmodi est cognitione divina, respectu existentiæ creaturarum.
- C Ad sextam respondendo Majorem esse veram in sensu specificativo, non vero in sensu reduplicativo: id est, licet divina cognitione, ut intuitiva, mensuretur aeternitatem, ut coexistentie omni durationi vera aut imaginaria; non tamen habet quod sit intuitio ex illa coexistentia ad omnem durationem, sed solum ad illam in qua res erit physicè præfens & existens. Unde licet cognitione quā Deus cognoscit v. g. Antichristum ut praesentem in nunc suæ aeternitatis, sit intuitiva illius, secundum quod tale nunc, ratione sue infinitatis, virtualiter se extendit ad illam differentiam temporis, in qua Antichristus erit aliquando præfens & existens; non tamen est intuitiva, sed abstractiva, secundum quod illum cognoscit in nunc aeternitatis, ut correspondet tempori praesenti; quia sub illa aeternitatis virtualitate, Antichristus, cūm non sit præfens, sed futurus; non potest terminare cognitionem intuitivam, sed tantum abstractivam.
- D Ad ultimam, nego Minorem, & ad probationem illius dico, quod in casu proposito, quando videlicet cognoscens non attendit ad physicam & realem praesentiam objecti sibi præsentialiter applicati, hujusmodi objectum non est præfens formaliter & cognoscitive, sed tantum materialiter & entitatively; nam in tali casu, eti objectum secundum se habeat sufficientem praefensionem, comparatur tamen ad cognitionem ac si præfens non esset; ideoque respectu cognoscens est formaliter absens, subindeque cognitione ad illud terminata, non est intuitiva, sed abstractiva. Sicut cognitione quam habeo de Petro praesenti, clausis oculis, verè abstractiva est, licet ad objectum materialiter & entitatively præfens terminetur. Qui plura cupit, legat P. Dominicum Linze i. parte Philosophia rationalis, libro 4. quæst. 2. art. 5. ubi & perspicue & eruditè questionem istam pertractat, ostenditque non posse dari notitiam intuitivam rei absens; pluraque in contrarium argumenta diluit, qua brevitatis causâ prætermilimus.

Mm